



59367



Mag. St. Dr.

*Cyrylkonie Andr. Augustini: Quaestio physica de
possibilitate existentiae mundi ab aeterno.*



✠
In Nomine Domini, Amen.

QVÆSTIO PHYSICA DE

59367



Possibilitate Existentiæ Mundi ab
æterno

SVB FELICIBVS AVSPICIIS

Magnifici, Perillustris, & Adm: Reuerendi Domini,

D. M. ALBERTI

PAPENKOWICZ VSTIEN:

S. TH: DOCTORIS, & PROFESSORIS,
eiusdemq; Facultatis Decani Protonotarii A-
postolici Eccl: Collegiatae S. Floriani, ad Cra-
couiam PRÆPOSITI, Contubernii Starin-
geliani PROVVISORIS, Studii Almæ
Vniuersitatis Cracouiensis.

VIGILANTISSIMI & GENERALIS.

R E C T O R I S

A
M. ANDREA AVGVSTINO CZYRZYCKOWIC.

Philosophia Doctore & Profefs: Cont: Hierosolym: Sen:

Pro Collegio Minori

In Lectorio DD. Theologorum.

PUBLICÈ ad DISPVTANDVM.

P R O P O S I T A

Anno Domini 1680. Die 23 Martij Hora 14.

C R A C O V I Æ,

In OFFICINA FRANCISCI CEZARI, S. R. M. Typogr.

QVÆSTIO

V. Mundus secundum Entia Realia, tam Permanentia, quam Successiua, ab æterno productus sit, aut saltem produci potuerit, de Absoluta DEI Potentia; nùm Verò Certo tempore, & quo, nec ne?

CONCLUSIO I.

Mundus nec secundum Entia Permanentia, nec secundum Entia Successiua, fuit ab æterno productus.

COROLLARIA.

I. Nullum successivum: ut Motus, & Tempus, vel alia, quæ successivè acquiruntur ab æterno, esse potuerunt.

II. Generationes Substantiales, quæ fiunt cum Motu, non possunt esse ab æterno.

III. DEVS, in Instanti Initiativo, non Continuativo produxit Mundum, quod tantum Principium est temporis, & non Finis præteriti.

IV. Mundus quoad sua Substantialia: videlicet Cælum Empyreum, & Sydereum, Elementa, & Angelos in Instanti, & simul productus est.

V. Etiam Aristoteles, verè agnovit Mundum esse productum.

CONCLUSIO II.

Poterat Mundus produci à DEO, ab æterno, secundum Entia Permanentia.

COROLLARIA.

I. Productio hæc, nomine proprio vocatur Creatio.

II. Crea-

II. *Creatio non est Relatio Realis in Creatore, debet tamen esse aliquid Realitèr in Creatura Intrinsecè existens.*

III. *Lumine Natura, non potest demonstrari Creatio, quæ Aristoteli incognita aliquo modo fuit.*

IV. *Mundus hic, ex Corporibus Superioribus, tam Simplicibus, quàm Compositis constans, est verè Creatus à DEO.*

V. *Creatio Materie primæ non præcessit Mundum, cùm per simplicem Emanationem, ex nulla subiecta & præiacente Materia, simul totus productus est.*

CONCLUSIO III.

CVM dicimus Mundum ab æterno non fuisse factum, nec de bonitate, nec de Potentia Opificis quidquam detrahimus, sed asserimus æternitatem, non posse attribui Conditioni Mundi istius.

COROLLARIA.

I. *Mundus Vniuersim in suo Esse, & quoad omnes Collectim Partes, est perfectus in suo Genere.*

II. *Potuit tamen DEVS facere Mundum perfectiorem, & meliorem, quam presens est, non tantum quoad Substantiam, sed etiam quoad Accidentia, idq; non solum Absolutè, sed etiam Supposito quocunq; sine à DEO præfixo.*

III. *Mundus si spectetur in eo modus, quo à DEO est productus, & Finis, ad quem ordinatur, non potest esse perfectior, quam sit de facto.*

IV. *Non implicat posse produci à DEO plures Mundos, siue Specie, siue Numero, ab hoc nostro differentes.*

V. *Licet Mundus includat in se Naturas dissimiles, tamen Totalitate, & Integratione, est Vnus.*

CON-

CONCLUSIO IV.

MVndus productus est, certo tempore, liberè, per beneplacitum Diuinæ Voluntatis.

COROLLARIA.

I. Cautè audiendus est Aristoteles, qui dicebat *DEVM ex necessitate Nature produxisse Mundum.*

II. Probabilius est Mundum fuisse Creatum, non in Autumno, sed in tempore Verno, Et quarta die, Solem productum in signo Arietis, indeq̃ Motuum suorum sumpsisse initium.

III. Vniuersa hæc Mundi Moles successiue non pluribus, quam sex diebus distinguebatur.

IV. Conueniens Videtur, hæc Providentiæ DEI successiua per sex dies Mundi visibilis Ordinatio.

V. De Facto Mundus in eo Statu, in quo est perpetuè durare posset, etiam cum Solo Concurſu DEI Generali, Absolutè tamen loquendo, non durabit, nisi ad diem Iudicij, in Fine seculorum futurum, juxta beneplacitum Diuinæ Voluntatis.


Ad Majorem DEI Gloriam.



Permissu Magnifici Domini

RECTORIS.

7. XII. 31.



~~Experiments in Chemistry.~~

~~Quartile Physics in general.~~

~~at school.~~